

SCRIVI

CORS IN LINEE PAR IMPARÂ A SCRIVI PAR FURLAN... SOT DAL OMBRENON dai 14 di Jugn dal 2021

La cuarte edizion dute in linee dal cors par imparâ a SCRIVI par furlan
Un gnûf cors su la plateforme MOODLE pal e-learning dal Docuscuele
Un grup di docents pardabon unic
Un cors increditât daûr des liniis vuide MIUR cun atestât finâl bon par iscrivisi te liste regionâl
La pussibilitât di stâ daûr a lis lezions cuant che si à il timp par fâlu
Une metodologjie inovative par imparâ une lenghe
Experts a disposizion par ducj i dubis

Il Docuscuele – Centri regionâl di documentazion ricercje e sperimentazion didattiche pe scuele furlane al organize la cuarte edizion in linee su plateforme Moodle dal cors di lenghe furlane par insegnants di ducj i ordins di scuele (de scuele de infanzie ae secondarie di secont grât).

Il cors al vûl dâ ai docents lis competencis necessariis di gramatiche – fonologjie, morfologjie e sintassi – par podê doprâ in maniere juste la lenghe furlane scrite. Par chest si zovarà dai insegnants plui preparâts cun titui academics specifics par garantî la cualitât alte dal percors di formazion proponût, che si insiorarà ancje di elements di storie de lenghe, semantiche, linguistiche comparade, toponomastiche, storie dal Friûl. E dut chest si svilupperà lant daûr des metodologiis plui vevulis par imparâ une lenghe come l'ûs des mapis mentâls par memorizâ miôr e la metodologjie indutive par compagnâ il corsist intun percors di scuierte graduâl: de osservazion autonome dai câs par cirî di ricognossi la regule, al metisi in zûc cun eserciziis semplics par verificâ se la ipotesi fâte e stâ in pîts, fin a cognossi la regule in ducj i siei detais in grazie de spiegazion di tutors experts che a gjavaran ducj i dubis!

La direzion scientifiche e je di **Franco Finco**, che al coordene une squadre di nivel cun dentri **Ada Bier**, **Fabio Boltin**, **Linda Picco**, **Maria Chiara Visintin** e **Gabriele Zanello**.

Il cors si articole in 4 moduli:

1. Fonologjie e grafie furlane	3. Morfologjie verbâl
2. Morfologjie nominâl	4. Morfologjie pronominal

Ogni modul al è organizât su 4 setemanis di ativitâts (input di riflession, video lezions, eserciziis, approfondiments...) cuntune verifiche finâl.

Il cors al è a gratis. Par notâsi si à di compilâ la schede che si cjate sul nestri sît www.scuelefurlane.it, jentrant tal spazi dedicât al cors SCRIVI diretamentri de pagine principâl. La iscrizion e vignarà confermade di une mail di riscuintri, cence il riscuintri la iscrizion no je vevule. **Il cors al è ricognossût par 30 oris daûr des liniis vuide MIUR cuntun atestât a pueste.**

La prime lezion di presentazion dal cors si tignarà lunis ai **14 di Jugn** aes 17.30 su plateforme zoom. Il codiç di acès al sarà mandât a ducj i iscris.

Par vê plui informazions si pues scrivi a info@scuelefurlane.it

DOCUSCUELE – CENTRI REGIONÂL DI DOCUMENTAZION RICERCJE E SPERIMENTAZION DIDATICHE PE SCUELE FURLANE

li de Societât Filologjiche Furlane, vie Manin 18 – 33100 Udin | tel. 0432 501598 – int. 5